

UNIMAS wajib pelajar mengundi

Samarahan: Universiti Malaysia Sarawak (UNIMAS) bercadang mewajibkan semua 12,000 pelajarnya mengundi pada pilihan raya kampus akan datang berikutan kadar pelajarnya keluar mengundi baru-baru ini, rendah.

Naib Canselor UNIMAS, Datuk Prof Dr Khairuddin Abdul Hamid, berkata hanya sekitar 43 peratus saja pelajar UNIMAS keluar mengundi pada pilihan raya kampus 25 September lalu iaitu kurang separuh daripada keseluruhan pelajar.

“Pilihan raya kampus di UNIMAS kurang mendapat sambutan jika dibandingkan universiti lain. Kita bercadang mewajibkan pelajar mengundi,” katanya ketika menghadiri Majlis Angkat Sumpah dan Penyampian Watikah Pelantikan barisan Majlis Perwakilan Pelajar (MPP) UNIMAS 2012, di Kampus UNIMAS, di sini, kelmarin.

MPP UNIMAS 2012 diketuai Yang Dipertua, Muhammad Zul Syafiq Abdul Wahab, Hafizan Ahmad (Naib Yang Dipertua), Farah Adibah Ramlee (Setiausaha Agung), Lim Tien Ping (Bendahari Kehormat merangkap Exco Kebajikan), Yusof Abdul Aziz (Exco Protokol, Perhubungan Awam dan Antarabangsa), Muhammad Norhelmi Ahmad (Exco Pembangunan Sahsiah dan Modal Insan).

Abdulssalam Khan Mustafa Khan (Exco Sukan, Rekreasi dan Kesihatan), Khairunnabihah Zainal Abidin (Exco Akademik dan Pascasiswazah), Abdur Rahman Abdul Rahim (Exco Keselamatan dan Kemudahan), Mohd Azrar Pawi (Exco Kesenian dan Kebudayaan), Awang Khairul Abid Awang Rohan (Exco Keusahawanan, Inovasi dan Kerjaya), Rudihartono Ngatmin (Exco Publisiti, Informasi dan Multimedia serta Carol Liew Tze Woon (Exco Pengangkutan dan Komunikasi).